


皇元風雅

前集

一

02
7
1

皇元








詩之爲教存乎性情苟無得
於斯則其道謂之幾絕可也
皇元近時作者迭起庶幾風
雅之遺無愧騷選然而
朝廷之制作或不盡傳於民
間山林之高風必不俯諧於

流俗以詠歌爲樂者固嘗病其不備見也清江傳說卿行四方得時賢詩甚多卷帙繁浩廬陵孫存吾略爲詮次凡數百篇而求予爲之題辭予觀其編以靜脩劉夢吉先生

爲之首自我

朝觀之若劉公之高識遠志人品英邁卓然不可企及冠冕斯文固爲得之前後能賦之賢未易枚舉偶有未及非逸之也若乃僕區々曹鄴之

陋則在所不足錄云至元二
年歲在丙子八月辛巳邵菴
道人虞集伯生題辭



皇元風雅羣英姓氏

○卷之一

伯顏丞相

郝天挺

史紫微

盧疎齋

貫酸齋

許魯齋

張仲疇

李道復

虞伯生

張野夫

元明善

鮮于伯機

趙子昂

程雪樓

閻靜軒

○卷之二

交趾王

徐參政

劉御史

梁宣慰

何理問

張天師

吳宗師

滕玉霄

馮海粟

吳草廬
陳濟淵
杜竹麴

李化宗
馬伯庸
俞石澗

柳道傳
龍麟洲

○卷之三

安竹齋

明普彥

文子方

歐陽圭齋

袁伯長

杜清碧

楊仲弘

李竹所

何吾山

劉時中

吳敬庭

李長源

楊鵬翼

陳自堂

○卷之四

劉須溪

劉立雪

劉養吾

揭曼石

羅澗谷

孫伯善

黃南卿

湯子文

劉雲山

由軒致遠

趙半閑

羅滄洲

張周卿

周石原

王性存

趙心遠

趙季文

胡尊生

連伯正

宋本

孫用復

黃河清

胡古愚

劉明叟

○卷之五

高若鳳

張叔暘

許獻臣

趙蒙齋

倪中宣

倪若水

范德機

孫存吾

張息堂

甘東溪

薩天錫

林彥棗

李源道

夏果齋

胡斗南

陳中山

宋極洞

龔子敬

梁隆吉

李古淡

李誠泉

彭容庵

仇仁近

吳漢儀

○卷之六

何願貞

黃子肅

張希孟

趙茂原

楊達可

吳仁傑

鄧或之

陳敬翁

蕭南軒

陸文圭

陳魚村

易炎正

張嗣良

何太虛

陳晉齋

甘虛庭

凌虛谷

高孤雲

姓氏

仁

皇元風雅卷之一

前集

盱江梅谷傳習

說卿 采集

儒學學正孫存吾

如山 編類

奎章學士虞集

伯生 校選

○劉靜脩

先生名因字夢吉保定人

裕宗皇帝在青宮聞其賢以贊善大夫召至京師未幾

以親老求歸養居數歲

朝廷尊仰德義拜集賢學士又以疾辭踰年遂不起

年纔四十有五縉紳惜之

黃金臺

燕山不改色易水無新聲誰知數尺臺中有萬古情區區後世人猶愛黃金名黃金亦何物能為賢重輕德輝

照九仞鳳鳥繼一鳴伊誰腐巢棄坐見飢烏爭周道
東顧二老皆西行養民以致賢王業自此成黃金與山
平不救兵縱橫落日下荒臺山水有餘清

翟節婦

兵塵浩無際烈士難自全婦人無九首志欲不二天燕
山翟氏女既嫁夫防邊一朝聞死事健婦增慨然生有
如此夫早寡非所憐求尸白刃中負土家山前事去哀
益深義盡身可捐無兒欲何為所依惟黃泉鄉鄰救引
訣烈日丹衷懸誰辨節孝翁重賦睢陽賢我亦過其鄉
山水猶清妍聞風髮如竹飄蕭動疎煙十年吟詩臺我
我大寧巔為招馮大師和我節婦篇

有大如天地

有大如天地日夜長乾二有小如螻蟻營三誰使然我

亦形蹟中豈得獨安閒萬物相為用錯綜盈兩間如身
百一為不完有形無虛生豈予獨贅偏森然氣
分內既有不可鑊螻蛇誰宥之生二亦能延安有人道
尊堦寂寞獨不傳乾二以為師餘者一聽天

燕平李仙臺

碣石來海際西南奄全燕中有李仙臺燕平欲昇天燕
平骨已朽遺臺猶相傳雖復生青松歲久摧為煙極目
望海波不見三山巔二山巨鰲脊山人蟻蝨然使無不
足論信有亦可憐大塊如洪鑪金石能久堅天地曾有
盡何物為神仙空山無笙鶴落日下飢鳥今古非一臺
浩歎秋風前

登武陽

朝遊樊子館晚上武陽城潮接滄溟近山從碣石生

虹雲淡白返照雨疎明日暮悲吟發愁歌已悵情

易臺

望中孤鳥入銷沉雲帶離愁結暮陰萬國河山有燕趙
百年風氣尚遼金物華暗與秋光老杯酒不隨人意深
無限霜松動岩壑天教搖落助秋吟

山家

馬蹄踏水亂明霞醉袖迎風受落花怪見溪童出門望
鵲聲先我到山家

○伯顏丞相

度梅關

馬首經從庾嶺歸王師到處悉平夷擔頭不帶江南物
只插梅花一枝枝

鞭

一節高芳一節低幾回敲磴月中歸雖然三尺無鋒刃
百萬雄師獨指揮

○郝天挺

麻姑山

路入尋幽景便嘉石田瑤草帶煙霞注經洞古亡遺檢
養藥爐存失舊砂青鳥空傳王母信綵鸞應到玉皇家
岩扉不掩春長在老却碧桃無數花

○史宗微

江南曲

風淒露冷江南岸瑟瑟寒波秋練練採蓮歌斷紅雲空
蘋葉芦花結新怨鷺鷥鸕鶿俱可恨相呼相倚沙背眠
白頭漁子搖蒼烟一雙飛上枯樹巔

荒塚謠

荒岡斷壠誰家墳經年无主蒿草繁
狐狸作巢生子孫牧童燒火山葉赤
花磚迸裂松行根牯牛作群來斫角
折碑尽是淚土痕夕陽未下燐火出
陰風刺雲昏二精靈月下相往來
嚶嚶若歎如人言君不言昨日城中
車馬客又來尋地為真宅

○盧疎齋

題太白墓

太雅清風久不聞一盃聊為洗荒墳
朱絃三嘆無今古說與江東日暮雲

婺源縣齋書事

竹樹映清曉坐聞山鳥鳴瓶花香病
骨簷雨挾詩聲客亦泚餘寸春無負
此生明朝予問俗吟罷却須晴

書梓山堂經室

問俗來山郭携春到竹溪花香破
棹寂林樾受鶯啼欲和觀音偈聊乘
醉墨題閑雲若留客不肯為余西

題子陵釣臺

雲山蒼二片煙木稠石灘潺二片
江水流故人兮是疏先生兮羊裘使
人皆先生兮誰其伊周使人不先生
兮誰其巢由可仕止久速兮舍聖人
將焉求清風一絲兮豈為名釣焦黃
荔丹兮香火千秋岸下幾篙兮際寧
之舟先生一笑兮白雲收

○貫酸齋

白兆山桃花岩

美人一別三千年思美人兮在我前
桃花染雨入白兆信知塵世逃神仙
空山亭二伴朝暮老樹悲啼發紅露
為誰化作神仙區十丈風烟隔維浦
暖翠流香暗自活

手撚殘霞皆細末幾回雲外落清嘯美人天上騎丹鶴
神遊八極栖此山流水杳然心自閑解劍長歌一壺外
知有洞府無人間酒酣仰天呼太白眼空四海無纖物
明月滿山招斷魂春風何處求顏色

美人篇

任風彫雪玲瓏溫具姬剪月纖二管行雲補髻翠光滑
鳳凰叫落空山月手摘閑愁八字分青山恨重盃不伸
肌臙汗膩朱粉勻背人揮淚粧无痕霜刀自製石榴裙
閉門不識諸王孫綠烟薰煖藍田玉羅帶隨風換粧束
飛鳥猶愁過長門芳非不忍韶華屋連環步窄玉佩響
霓裳袖闊東風長釧鬆腕瘦竟多情幸指搔天天亦癢
枕香悵冷蘭灯沉落花不入芙蓉袋三山路杳銀河深
彩鸞高訴愁人心天与美人傾國色不知更与美人郎

夢裏梅花夢我身方古千年一明月

君山行

北溟魚背幾千里負我大夢遊弱水蓬萊隔眼不盈拳
碧落香銷吹不起茜裙女兒懷遠遊遠人不歸明月羞
宝釵綰髻翠欲流風鬟十二照暮秋女媧鍊石補天手
手拙石開露天醜瓊樓玉宇亦人間直指示君二見否
斯須魚去夢亦还白雲与我遊君山

畫龍歌

老墨糊天霹靂死手擘明珠換眸子一潜渊澤久不躍
泥汚風鬚色深紫虬髯老子家燕城怒吹九龍无餘灯
手提百尺陰山水連雲塗作蒼龍形撐牙爪角隨風升
逆鱗射月千戈声人間仰視翫且听參辰散落天人驚
瀟湘浮黛娥眉輕太行不談蓬萊青烈風倒雪銀河傾

珊瑚蓋閣對不平吸來噴出
七年旱絕竟生靈九年饑漲
爲吾

大元山海足

觀日行

丁巳春三月余之所謂宝陀山顛有石曰
盤陀可觀之初疑其大不可量既歸宿作
方夜半之餘詩僧魯山同賦

六龍受鞭海水抗夜半金烏變顏色天何譙電斷驚
刁擊珊瑚碎流雪朔方野客隨雲閑乘風來遊海上山
飛舄控空渡香水地避中原雜聖几壯鰲九尺解霜鼓
瘦紋巨大自掀弄驚看月下墨花鮮欲
人生行此丈夫國天吳立濤欺地窄乾坤空際落春帆

身在東南憶西北

采石歌

采石山頭日顏色采石山下江流寧行客不過水无跡
難以斷魂招太白我亦不留白玉堂京華酒淺湘雲長
新亭風雨夜來夢千載相思各斷腸

別離情

吁別離之苦兮春梧之野春草青黃陵廟前春水生日
暮湘君動輕翠脩竹亭二染紅淚又聞坡下虞姬位斗
帳初驚楚歌畢佳人閣淚棄英雄劍血不銷原草碧荷
物謂之別離情肝腸割二如銅声不如斫其竹剪其草
免使人生爲情老

題庐山太平宮

山上清風山下塵碧沙流水歲知春不知松外誰敲月

驚動南華夢裏人

芦花被

僕過梁山泊有漁父以芦花爲被僕尚其
清欲易之以紬者漁父曰君尚其清願以
詩輸之

採得芦花不浣塵綠莎聊復藉爲裯西風刮夢秋无際
夜月生香雪滿身毛骨已隨天地老声名不謬古今貧
青綾莫爲鴛鴦妬歟乃言中別有春

題陳此山扇五首

秋鳴无数醉秦娥却把輕風惹扇羅明月碧澄天似水
北山雲氣動纖波
紅旭如鉛海上來蒼二煙霧小蓬萊東風昨夜醉如酒
吹得桃花滿樹開

翠幙低垂護午陰碧瓶裏面水痕深東風截斷人間熱
勾引清凉養道心

一簾明月倚闌干宇宙尤宜就夜看飛上仙槎河漢近
手招沈瀛海銅盤

功成不用服丹砂笑指雲霞摠是家清曉山中三尺雪
道人神氣似梅花

○許允宜齋

趙氏南莊

曉起北窓涼清談戢羽觴入簾花氣重落紙燕泥香夢
裏青山好吟逐白日長秋風載書籍相對築書堂

和先生姚公

去二迷途莫問津問來还恐不知真因時用舍固有命
與道卷舒还在人百尺竿頭穩穩放一庵林下樂爲鄰

孰輕孰重何須問夢想故園無柰春

贈寶先生行二首

西山二下覓幽村水竹隣居擬卜君豈意天書下白屋
便收行李入青雲功名在自英雄立得失防因去就分

万里風沙渺南北請歸消息幾時聞

莫謝風沙老不禁斯民久已困商霖願推往古明倫之
用既吾君濟世心甫治看將交長治呻吟亦復化謳吟

十年際會真難得好要先生著意深

偶成

万物備吾身二貧道未貧觀時見物理主敬得天真心
奕星辰夜情新草木春自憐斷喪後能作太平民

病起

花透香風入短檠草抽新綠倚柴荆正憂多病作身累

且喜幽居見物情花爲可觀遭天折草因无用得欣榮
世間巧拙都相半不許區區智力爭

謝梁安撫惠田

晚來幽興入山居擬即君侯置一區今德久思親慷慨
佳田今許乞膏腴大行西對千峰玉淇水東窺萬斛珠
幸著此身於此老願從樂正五人俱

○張仲詩

送許魯齋歸山

諸相纍纍入省闈先生何事獨西歸心隨道隱貧非病
老得身閑古亦稀行色一杯燕市酒春風二月楚山薇
到家已及蚕生日布谷催耕隴麥肥

○李道復

偶成

日午山中道停驂進步難
蟪蛄侵苔徑清風入毳袍
寒在國終无補全身尚未安
一樽芳酒強飲不成歡

喜雨

誰調元氣入淋漓
枯槁回生只片時
依在野雲无着莫
高天闊地任風吹

寄東宮二首

艱苦勤勞從府卿
周旋小試屠龍技
翻成抱虎眠脫
鉤魚從容漏網鳥
冲天方事從今始
灰心未死前
十年陪顧問一旦
決安危自合成功去
應慙識事遲長
城待自壞孤注莫
相疑辟穀求仙者
高名百世師

初科知貢奉

百年場屋事初行
一夕文星聚帝京
豹管敢窺天下士
龍顏誰占日邊名
寬容極口論時事
衣被終身荷聖情

願得真儒佐明主
白頭應不負平生

金陵懷古

西風貼耳過黃龍
萬水東流草樹枯
蟾蜍一年秋色近
鷓鴣萬里客心孤
青山故國新
芳草王孫舊酒壚
壯志未磨大地闊
劍光夜二照江湖

虞山仙主

和季平章秋谷小意詩

雪餘宮草隱晴沙
相國朝春試帝車
班馬登移溫室樹
鷓鴣晨度掖垣花
寒帷每命賢
俱載趣駕頻煩使
不心
此日龍門誰執御
擁經正履待金華

和周待制朝回即事

三十六竿吹鳳凰
九重春色綉天光
卿雲微動旌旗展
湛露初晴草木香
禁林甲第
不渡頻金輿
馴象北徐梁

小臣職在歌功德拜手陳詩對日長

岡子原呈王季士

岡子原頭春色濃小車長出看西風雨餘林潤人鳥好
日暖沙平我馬同西引峯岫來坐上東觀樓觀起天中
詠歸莫作匆匆二晚倘解相逢樂未窮

奎章閣讀進中卷

玉堂策士詔儒臣

御筆親題墨色新白樹坐移簷底日宮壺馳賜毀頭春
虞廷制作變龍威歷代文章實重醇書閣暮年偏感遇
但歌天寶播

皇仁

与趙子期趨閣雜賦

日出風生太液波長橋影裏彩船過橋頭柳色深如許

應是偏承雨露多

雨絕輕塵道未乾朝回隨處借花看
墻東千樹垂楊柳飛絮來時近馬鞍

春雲冉冉度宮城樓雪初融水未生
行過御溝成久立起頭枝上有啼鶯

屏風韋坐豎長絨二絳蠟搖光照暮酣
京國多在情心改忽听春雨憶江南

待漏宮門新鋪開袖中進卷撥賢才
奏名殿裏千花合傳詔堦前好雨來

千花拂檻柳垂絲登刻傳呼淑景遲
聖主自看新進策侍臣簪筆立多時

文章光燄過長虹來者无窮往者空頭
白眼昏心力太高堂深夜燭搖紅

送伯長待制舊駕之上都

日色蒼涼映赭袍時巡无乃

聖躬告大連閣道晨留輦星散周廬夜寓鑾白馬錦鞵
來驪馬紫駝銀甕出蒲萄從官車騎多如雨只有楊雄
賦最高

寄他州司直同知

使過他陽聞上日好懷浩蕩爲君開江干縱街車馬集
亭上持盃風雨來中夜魚龍所語競明年驚鷺候朝回
九華山色翠可食爲問謫仙安在哉

寄張伯雨

隱居聞道無人識藥鹿來依積海深每從雲氣得芝朮
莫怪丹光穿樹林茅君自騎一虎下木客或與群猿吟
知子此時正相憶逢余蒲鶴夢千岑

送朱仁卿歸時江

次子南歸時水上過從爲我問臨川我家橘柚霜垂屋
何處蒹葭月滿船應有交游於遠道好從父老說當年
寒機早晚成春服一一平安報日邊

與聖宮朝退次韻袁伯長見貽

尊號於是日加上禮成告謝宗廟余東出赴齋宮
翠蓋重二室肩斜從官穿柳散慈鴉過宮路遠紆天步
上壽杯深閣雨花玉貫兩虹通紫錦衣成五綵鍊雲霞
奉祠東出蓬萊道春水共驚路旁槎

別成都

我到成都經九日駟馬橋下春水生渡江相送謝主意
過鄉不留非我情鸛鵒輕篋下溪足鸚鵡小窻知客名
幸得輟筒酒易醉夜深仙雨潤州城

廿五日即事呈閣老諸季士

松陰鵲立候宮車風送宮花著白鬚水影漸移簾側畔
鶯聲只在殿東隅近床擬進新琴操載筆難題古
太液雨餘波浪動龍舟初試散魚鳬

贈星上人

潭北湘南无影樹一花吹渡海門潮天香滿室定初起
雲氣上衣身欲飄宝月夜寒龍在鉢銀河秋近鵲來橋
豈无一箇邛州竹與尔孤松伴寂寥

送可無上人

五公昔講時听者不起坐塵心未悉銷須何由見人我名
字誰與安說義話已墮尚自无亦无更問可不可不見
大雨華誰能拾餘朵

賦疑雲石

海石不盈握憤然如委雲君岑集遠思虛竇栖微薰天
高大華斷日落香炉分几現永清潤文章互氣氣潛雷
起神公靈驚天上聞空視恐無及化為九龍文

送兄德脩南還

老兄五月來作客八年不見頭揔白五人兄弟四人在
忽憶中郎淚沾臆我家劉西忠孝門无田无宅惟書存
兄雖筦庫實父重弟竊餘澤承

君因文章不如仲氏好叔氏最少今亦老五郎十歲未
知孝嗟我胡為長遠道諸兒讀書俱不多又不力耕知
奈何憂來每得二三友看花把酒臨風哦蜀山嵯峨歸
未得盤二仙瓊脂川側碧梧翠竹手所移應與青松各
千尺南風吹雪河始冰兄歸烏帽何榮二明年乞身向
天子共讀父書歌太平

澧州謝家通濟橋

澧有蘭芳沅有芷相望泊二隔秋水蛟龍迴夜隱波深
虹霓乘長駕空起千年石射何西東天下有道津梁通
朝祠東皇蒼雲中行人无忘懷謝公

題南野亭

門外輕塵接市高坐中春色自坐亭雲橫北極知天近
日轉東華齊地靈前洲魚游留客釣上林鶯轉把杯傾
莫誇畫曲花无賴獨擅東南雨後青

題九歌圖

太乙神君號東皇玉質要妙含和陽生二无始通微茫
綿二蒸空神中央浮英上羅文天章覆日月下商谷与阮
旁室无間灵无方灵來乘柔往乘剛君夫人鎮相望
清溫靜好非惱傷司命元老元氣昌手執菰枝色蒼蒼

歷劫壽命不可量少君之壽同其長离无異体合有常
出入万化終不望晶明發晨上搏紫海天赫二真金芒
質鍊不滅長垂光河源混二流涉二伯也坐視无迎將
千古万古何堂堂彼幽為厉為強梁朝狸暮豹方騁張
精魂熠耀志意荒招之不反巫无良尔生作歌沉九淵
世人傳声罕尋詳祝融仙子調玄黃九神出圖百怪藏
不信請視虞公章

題趙子昂馬圖

憶昔從公侍書殿大閑過目如飛電池邊終有吮豪人
神駿誰能誇独善今公騎鯨隘九州人間空復看驊騮
惟應御氣何相逐黃竹雪深千万秋

張野夫

壽李秋谷

璿階曾共近清輝一旦雲鵬九万飛并入中書今亦有
兩封上國古今稀霜侵吟袖趨朝去香惹官袍侍講歸
同使斯文躋壽域且休回首北山薇

○元明善

寄翰林諸公

落烟綠樹滿汀沙負手行吟日又斜江水有時窮地脉
海雲何處是天涯生前幾醉樽中酒夢裏曾來海上槎
惆悵懷人重回首晚風吹尽紫薇花

送湖南李直夫憲使

君去湖南我上京思君欲見又荒城滄波留月能歸海
江鴈拖雲不到衡一代豪華誰遠識百年驚畏護靈名
好來不作男兒事有水可漁山可耕

送董慎齋左丞討賊

負劍光驅意氣閑也勝蜀跡着儒冠古來每說從軍樂
此去不辭行路難使節再臨民志定兵鋒一幸賊心寒
書生奮力效馳逐要寫功名久遠看

題天冠山

仙翁昔往天冠山夜呵鬼神衛丹井三成飛去杳不還
藥池丹井猶山間翩三李子風佩環華棖鉅櫃青雲端
思玄尋躡果安訪鶴歸月落前溪灣

跋南嶽壽寧觀碑後

朱陵靈臺天柱巍太虛空洞綠煙扉上館赤帝朱鳥飛
祝融宅南參為旗羲娥兩曜慈蔽彫象緯吟遍嗟位迷
四觀燕吳與秦齊恒嵩泰華孰崇卑五氣順布百志熙
流祥阜物宣后祇雨風露雷豈其私惠尔下土尸者誰
中有異人餐赤芝夜眠秋霞壺天倪衣以青雲裳白霓

風車八極驂兩螭七十二峰足盤樓琳宮貝闕輝陸离
潛光煉魄如嬰兒大丹入咽无渴飢誰其思之吳宗師
神變倏忽方張旌泠然御風渺何之太君歲晏嘉予期
千秋萬歲受鴻釐

皇圖景運永以不手持美容朝紫微旋隨天闔此來歸
彰灵荅貺達尔垂磨崖鐫我璫華辭

○鮮于伯機

望嶧山

東方巨鎮宗岱宗群仙列侍臣妾同西南崛起一萬仞
却立不屈如爭雄何年天星下天宮墜地化作青美容
外如刻削中空同閭風玄圃遙相通我昔東遊訪青童
群仙招我遊中峰海不絕粒集雲松失身誤落塵網中
如今可望不可到艤舟空羨冥飛鴻神仙可事亦晚

安用胥二悲秋蓬吾聞澤陽有孤相鳳皇鳴処朝陽
安得斷為室琴獻
天子為民解慍歌南風

○趙子昂

送吳汀洲

七閩南去路崎嶇五馬承恩出帝都地氣喜聞今有雪
民生寧似昔无襦山城酒美傾鸚鵡旅館春深听鷓鴣
他日相思應恨二離筵不思賦驪駒

采石

天門日湧大江來半渚風生万壑哀青眼故人携酒共
双眉今日為君開
人主直下蛟龍吼白浪橫空鶴鵲回
南眺青山懷李白沙頭官渡苦相催

過岳武穆王墓

鄂王墳上草離離
秋色荒涼石獸危
南渡君臣輕社稷
中原父老望旌旗
英雄已死嗟何及
天下中分遂不支
莫向西湖歌此曲
元山色不勝悲

即興

春陰柳絮不能飛
雨足蒲牙綠更肥
政恐前呵驚白鷺
獨騎款段遶湖歸

絕句三首

庭槐風靜綠陰多
睡起茶餘日影過
自笑老來無復夢
閒看行蟻上南柯

橘子花開香四隣
綠陰如染淨無塵
幽齋獨坐時忘樂
萬累不干心地春

自有天地有此溪
泓澄百折淨无泥
我家溪上无人到
只疑身在青玻璃

漫興四首

竹色雨餘碧蟬聲
風際清方池貪綠
水中有纖鱗行淨
沉各異態亦足悅
吾情坐久不成起
待得月華明
露生夜將半
澹然无所為
草根虫鳴歇
松梢螢度遲
城市多塵雜
令人心不怡
茲丘亦可老
已與白雲期
春晴浩元端
野望欣有隅
山花眩桃李
澗影瀉松竹
鳴鶴聞九皋
白駒在空谷
好鳥何處來
啼破林煙綠
場粼清河流
開蓬素
秋曉爛班被
若花委蛇順
流藻天晴去
鴈高野闊
行人小故園
歸有期
客愁爭如掃

和子俊感秋

秋至忽十日
天宇豁然清
涼飈旦夕至
林木發商聲
良夜不我与
慨然心自驚
古人久已逝
念之動中情
苦心要世患
只博身後名
今我將无同
聊復得此生

東郊

晨興理孤榜，薄言東郊遊。清風吹我衣，入袂涼颼颼。幽
花媚時節，弱藻依清流。山高碧雲歟，日出白煙收。曠野
得我懷，欣然消我憂。中流望城郭，忽二佳氣浮。人生亦
已繁，惠養要須周。約身不願餘，尚恐之所求。且當置勿
念，變化終歸休。

奉隆福召命赴都過德清別業

驟暄氣候變，幽園卉物萎。山雲石上起，春鳥雨中啼。牽
衣憐穉子，牽按愧山妻。苦被虛名累，未得遂高栖。

雪石同子俊遊何山次韻

同是清閑客，俱為放浪遊。晴山依雪壯，野水帶冰流。風
急松杉亂，年登薺麥收。生涯須未老，吾欲覓菟裘。

送耶律伯強得請歸東平侍父

鸞鳳出瑞世，不受虞衡拘。郊數亦可遊，豈必在軒除。明
時棄遺才，治世容隱居。振衣青巖間，脫屣風露漚。衆進
我卻退，卓然君子儒。西陵有芳躅，東門祖兩疎。路人亦
嗟憫，哀哉一大夫。伊余独何幸，乃得尾送車。恨不生羽
翰，志子東南俱。臨分无以贈，善保千金軀。

贈別夾谷公二首

驅馬原隰間，經時不遑休。昔來日在斗，今去麥已秋。王
事有裨益，宴安非所求。翩二長風翼，一幸遊真留。誰令
麴丘繫，自懷離別憂。

青二蕙蘭也，含英在中林。春風一披拂，胡能見幽心。相
云千餘里，會合大壯澤。促席談今古，知我亦何深。此別
雖非遠，房思渺難任。公其愛休素，尚无金玉音。

春陰

日出晨景淡散髮步中庭仰見雁二柳春風暢人情茲
長豈不佳誰能忘陰晴人生亦良晚疲勞竟何營万事
可撥置舍道焉求感

出都

都邑何雄麗車馬日夕喧雞鳴趨蘭省日夕不遑眠茲
晨奉明詔馳驛東西奔雪積原野白路脩烟塵昏馬鳴
朔風起吏士慘无声还顧望帝鄉更覓勞心竟我今无
家客斷蓬离本根願為双飛鶴奮飛入青雲

張啓事送初亭

青山遶神京佳氣溢芳閭林亭去天尺万狀爭自獻年
多嘉谷合春晚花自殷雕闌雷賦蝶吞梁語嬌燕退食
鳴玉珂友于此終安鍾鼓樂清时衣冠集群彦朝市塵
易侵香書味方遠紛華雖在眼道勝安用戰初心良已

送雅志由此見何事江湖人山林未成願

送次公分省陝西

憶昔長楊揮干時始識公堂二九尺幹洛二萬夫雄補
交弥縫密能書點畫工勞謙延士類豈弟到兒童黃閣
歸人望青雲有父風驅馳常扈從奏對每留中暫輟尚
書簪榮分陝右弓秦山依疊錦燕雪感飛蓬粉署超承
旧瀛洲系竊同因公動鄉思飛夢到江東

題商德府所登桃源春曉圖

宿雲初散青山濕落紅繽紛溪水急桃花原裏得春多
洞口輕烟搖綠蘿二搖烟掛絕壁飛流直下三千尺
瑶草离三蒲憫阿長松落二凌空碧雞鳴犬吠自成村
居人至老不相識瀛洲仙客知仙路點染丹青寄輕素
何処有山如比圖移家欲向山中住

題二喬高

長江東去水涵天誰謂河廣不容刀中有喬家女兒淚
何意師昏隨二豪龍虎相爭欲相啖鸞鳳綴翮將安逃
不見當時老諸葛獨聘醜婦何其高

書事四首贈孫思順

溪上東風吹柳花溪頭春色淨无沙白鷗有信忘機事
玄鳥猶知有歲華錦纜牙樯非昨夢鳳笙龍管是誰家
令人長憶東陵子擬問田園幸種瓜
天涯相遇兩相知對榻清談玉屑霏芳草漫隨愁共長
青春不与客同歸薰風池館蛙聲老落日簾櫳燕子飛
南浦它年重到日胡山應識謝玄暉

露下碧梧秋滿天砧聲不斷思綿綿北來風俗猶存古
南渡衣冠不及前首宿總肥苑驪裘批杷曾泣淚嬋娟

人間俯仰成今古何待他年始惘然

曾顛官閣幾時脩檻外長江空自流白露已零秋草綠
斜陽雖好莫雲稠平南舞樂張華得治内人才葛亮優
景物未窮登覽見吳角孤起甕城秋

感興

三月江南鶯亂啼百花爛熳柳依二殘紅無數迷歌扇
嫩綠多情妬舞衣金鴨焚香川上暝金缸檣鼓月中歸
只今零落秋風裏把酒无言對落暉

題山堂

手種青松一万栽山堂留得翠屏隈推窗綠樹排檐入
臨水紅桃對鏡開山雉雖迎朝日去暝禽啼傍夕陽來
山妻亦有幽懷忘數日遲留不肯回

過故廢苑

一片中原地紛二戎戰爭至今將不去留與後人耕

題秋胡戲妻圖

相逢棄下說黃金料得秋胡用計深不是別來渾未識
黃金聊試別來心

丙吉問牛

博陽陰德澤堂廊民物周流鬢髮蒼尚爲吳犍駐車問
諸公但飽大官羊

題陶母持賓手卷

范達誠孝廉陶侃固英特英特未可知門有孝廉客傷
哉陶母貧剪髮易酒食此意固自佳此髮足可惜此髮
足可惜兒心將奈何丈夫淡相與豈以酒食多平生郭
林宗何如茅季偉

○程雪樓

寄牧庵參政

黃雀山頭楚觀鍾喚醒塵夢久從容歸來坐听春林雨
還憶簾前翠万重

○閻靜軒

梅杖

揀遍西湖万玉河春風入手重摩娑闔青黃竹能香不
較品鳩藤奈俗何声破夢寒霜蒲戶影隨詩瘦月橫波
只知功到調羹尽不道扶持力更多

皇元風雅卷之一

前集

